



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇԻՐԱԿԻ ՄԱՐԶՊԵՏ
ՈՐՈՇՈՒՄ**

<< 15 >> 09 2015 թվական N 196-Վ քաղաք Գյումրի

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱՐԵՎՇԱՏԻ ԳՅՈՒՂԱԿԱՆ
ՀԱՄԱՅՆՔԻ ՂԵԿԱՎԱՐ ՍԱՅԱԴ ԽԱՉԱՏՐՅԱՆԻ ՆԿԱՏՄԱՄԲ ՎԱՐՉԱԿԱՆ ՏՈՒՅԺ
ԿԻՐԱՌԵԼՈՒ ՄԱՍԻՆ**

Հայաստանի Հանրապետության Շիրակի մարզի Արևշատի գյուղական համայնքի ղեկավար Սայադ Խաչատրյանը, խախտելով Հայաստանի Հանրապետության հողային օրենսգրքի 3-րդ հոդվածի 1-ին մասի 2-րդ և 3-րդ կետերի պահանջները, համայնքային սեփականություն հանդիսացող գյուղատնտեսական նշանակության 26.0 հեկտար մակերեսով վարելահողերը առանց վարձակալության պայմանագրերի և պետական գրանցման օգտագործման են տրամադրվել թվով 60 քաղաքացիների, իսկ 7.2 հեկտար մակերեսով գյուղատնտեսական նշանակության հողամասերը աճուրդ վաճառքի միջոցով օտարվել են թվով 26 քաղաքացիների, սակայն պետական գրանցում չեն ստացել և օգտագործվում են վերջիններիս կողմից, այսինքն՝ կատարել է Հայաստանի Հանրապետության «Վարչական իրավախախտումների վերաբերյալ» օրենսգրքի 56¹-րդ հոդվածի 2-րդ մասով նախատեսված խախտում:

Ելնելով վերոգրյալից և հաշվի առնելով Հայաստանի Հանրապետության կառավարության առընթեր անշարժ գույքի կադաստրի պետական կոմիտեի աշխատակազմի գեոդեզիայի և հողային պետական տեսչության (այսուհետ՝ Տեսչություն) «Հողերի օգտագործման և պահպանման խախտումների» 2015 թվականի հուլիսի 30-ի N 04 ակտը և Տեսչության պետի 2015 թվականի օգոստոսի 21-ի N 04 որոշմամբ արված միջնորդությունը, ղեկավարվելով Հայաստանի Հանրապետության վարչական իրավախախտումների վերաբերյալ օրենսգրքի 244⁹-րդ, 281-283-րդ հոդվածների, «Հողերի օգտագործման և պահպանման նկատմամբ վերահսկողության մասին» Հայաստանի Հանրապետության օրենքի 5-րդ հոդվածի 3-րդ մասի 3-րդ կետի դրույթներով

ՈՐՈՇՈՒՄ ԵՄ

1. Հայաստանի Հանրապետության Շիրակի մարզի Արևշատի գյուղական համայնքի ղեկավար Սայադ Խաչատրյանի նկատմամբ նշանակել 100000 (մեկ հարյուր հազար) Հայաստանի Հանրապետության դրամ տուգանք, որը ենթակա է մուծման Հայաստանի Հանրապետության պետական բյուջեի 900005243119 հաշվարկային հաշվին՝ 15 օրվա ընթացքում:

2. Որոշման պատճենը երեք օրվա ընթացքում ուղարկել Սայադ Խաչատրյանին:

3. Սույն որոշումը կարող է գանգատարկվել դատական կարգով տասն օրվա ընթացքում:



Ֆ. ՅՈՒԼԿՅԱՆ